

AKASHVANI AIZAWL

REGIONAL NEWS UNIT



ZPM

Aizawl Municipal Corporation (AMC) liam ta chuan Tuiriala Solid Waste Management Center atan,tul vak loah cheng vaibelchhe 4.92 a seng niin ZPM Party chuan an sawi.

Vawiin khan Aizawl Press Club-ah ZPM Party hian Chanchinbu mite kawmin, Corporator hlui Pu Malsawmzuala Ralte chuan kum 2022 January 20 khan SIPMIU chuan Tuiriala Solid Waste Management Center chu AMC kutah a hlan a ti a, cheng vaibelchhe 13leh nuai 32 sengin DPR ang chiahin kum 2019 December-ah siam zawh tawh a ni tih sawiin, hetiang a ni chung hian MNF AMC sorkar chuan hemi atan hian cheng vaibelchhe 4 leh nuai 92 a hmang leh chu tul vak lo a sum sen ralna a ni, a ti a. Landfill an khawih zuina hi AMC chuan tender pawh chhuah loin Departmental Work-in an thawk a ni, a ti bawk.

Pu Malsawmzuala Ralte chuan Ward Development Fund pawh an dawng kim lo tih sawiin, cheng nuai 68 an dawn tur zinga cheng nuai 28 chiah an dawng tih sawiin, corporator ward fund cheng nuai 40 pe chhuak kim lo chungin MNF AMC sorkar chu a liam tih a sawi bawk.

Aizawl khawpui chhunga vawk vulh chungchangah pawh, ruahmanna an siam angin an kalpui lo nia sawiin, a buaipui tur Committee an din aiin Aizawl khawpuia Local Council ho an rawn ta zawk tih an sawi bawk a ni.

(Corr-TSa)



MNF

Lengpui ram Indian Airforce hnena hralh chungchang chu ZPM sorkar in CBI chhui tir a tum tak tak lo niin MNF Party chuan vawiin khan an sawi a, ZPM sorkar chuan a chhuitir ngam lo tih a chiang tawh a ti.

MNF Legal Board Vice Chairman Pu Lalpianfela Chawngthu chuan Aizawl Press Club-ah Chanchinbu mite kawmin, Lengpui Land Scam CBI chhuitir tura MNF party in an nawrna, ZPM sorkarin a bawhzui danah CBI hnena chhui phalna consent an pekna notification tih chhuah bak hmalakna mumal engmah zawh chhuah tur a awm lo niin a sawi a, ZPM sorkar chuan chhuitir a tum tak tak lova, a chhui tir ngam lo tih a chiang tawh, a ti.

MNF Party chuan Sairang Kolabari rama sipai lak turah ZPM mi leh sate chu sum leh paia hlawkna umin an hmanhlel mek niin an sawi a, heng bakah hian ZPM sorkarin RTI Act an namnul hle niin an sawi bawk a. RTI hmanga zawhna chhan mai loh te, zawhna inang reng si a chhanna inang lo te a awm thin niin an sawi bawk a ni. Khua leh tui ten thu dik leh tha hriat chu an chanvo a ni tih sawiin, hemi kawngah hian ZPM sorkar chu a dawihzep niin an sawi bawk a ni.



MPCC

MPCC President Pu Lalthanzaran ZPM enchhin sorkar hnuaiah mipui te chang lo, Aizawl khawpui boruak ti nuam tu thingkung te leh zel thlavang hauh a ngai ta chu a vanduai thlak a ti.

Vawiin khan Mizoram Pradesh Congress Committee chuan Aizawl Vanapa Hall kawtah Mipui thlavang hauhna leh AMC Election 2026 Campaign kharna hun an hmanga, thusawiin Pu Lalthanzara chuan sawrkar enchhin mekin MNF te nen Aizawl khawpui enkawl dan chungchang an ngaihtuah dawn emaw an tih laia brigade field lama SASCI football tournament an khelth san tak avangin Congress party chu Aizawl mipui te chhan turin an rawn pen chhuak a ni a ti.

Pu Lal Thanzara chuan Politics ina a tum ber chu ram, mipui, sakhua himna hi a ngaihtuah tur a ni a, vawiin ah hian ram, sakhua, hnam a him em tih hi mipui ten an ngaihtuah ber tur a ni a ti a, Vairengte daia Mizo huan lo ram te chu hnamdangin an vahsak mek a, hei bakah hian Central BJP sorkarin kristiante hnapui ber puan darh hna ah te

harsatna an siam sak mek a ti a, mi retheite inngahna ber ni 100 inhlawhna lo awm thin te pawngsual anih mai bakah, chawhlni ah te ni 100 inhlawh theih tura thlalak te a lo ngai ta chuan sakhuana a him loh zia tarlangtu a ni a ti.

BJP sorkar chu MNF chuan an National Democratic alliance platform atangin an tanpui a, rorel lai mek ZPM Lok Sabha MP pawh Lok Sabha session apianga BJP lama a thut thin thu sawiin Mizo mipui te leh Mizoram hian tisa malsawmna leh thlarau malsawmna a dawn a beisei awm loh a ti a, Congress mipuite chuan BJP chu engtik lai mahin an zawm dawn lo a ti.

(Hruaia Aizawl PTC)

